



UNIVERSITÄTS-  
BIBLIOTHEK  
PADERBORN

# **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1862**

XI. Markgraf Woldemar vereignet dem Kloster Neuzelle das Dorf Reipzig,  
am 21. Mai 1311.

---

---

**Nutzungsbedingungen**

[urn:nbn:de:hbz:466:1-55756](https://nbn-resolving.org/urn:nbn:de:hbz:466:1-55756)

quocunque alio iudice deponat, eo quod tales causas volumus coram nobis diffiniri, quod toto iure in his macellis frui volumus, quo vsi sumus a primeua plantacione ciuitatis, quamuis presens priuilegium nostris carnificibus per nos de quodam specialj gratia sit indultum. Ne autem talis donacio et ordinacio ab aliquibus retractetur tempore succedente aut alicujus specie infirmetur fraudis, presentem literam conscribi fecimus, et cum nostre ciuitatis sigillo iussimus roborarj. Consules, qui cum hec ordinacio fieret consilio presuerunt sunt hy, quorum nomina subsequenter: Bolco, Heningus Kefelingen, Johannes de Landesberge, Hermannus Belko, Geuardus Rynknecht, Nicolaus Tomeker, Tidikinus de Gefer, Johannes Gallicus, Petrus Delueten, Johannes Hakeman, Gerrardus Gallicus, Conradus Hefcken. Datum anno domini millesimo trecentesimo octauo, in die Marie Magdalene.

Aus Teymlers Copialbuche im Stadtarchive fol. 20, 21.

XI. Markgraf Woldemar vereignet dem Kloster Neuzelle das Dorf Neizzig,  
am 21. Mai 1311.

In nomine domini Amen. Nos Woldemarus, dei gracia Brandenburgensis, Lufacie et de Landesberg Marchio, Tutorque incliti Johannis de Brandenborch Marchionis, omnibus in perpetuum. Diuina clemencia humane infirmitatis defectum sic dignata est misericorditer instaurare, vt temporales actiones erroris, obliuionis et maliuolorum insidancium in hiis, que rationabiliter gesta sunt, pericula sustinentes autentici scripti testimonio valeant confirmari. Inde est, quod ad noticiam vniuersorum presencium (sic!) paginam intencium cupimus peruenire, Quod religiosi viris, domino Abbati et Conuentui in nouacella sifterfensis ordinis, proprietatem ville Ribetiz cum molendino proxime adiacente a discreto frenkelino Sculteto in Gubyn, rite comparata, a nobis eodem Tytulo pro sexaginta sexagenis grossorum comparatam, videlicet in pascuis, pratis, aquis et aquarum decursibus, Molendino iam constructo et in posterum construendis, filuis, Mericis, Paludibus et vsufructibus quibuslibet, quocunque nomine censeantur, necnon cum omni iure, quod in iam dictis bonis hactenus dinoscimur habuisse, Conferimus et contulimus perpetuis temporibus habendam et pacifice possidendam, Ita sane, vt nec nos, nec posterius nostri, nec aduocati, vel officiales, vel quocunque nomine nominentur nostri, nec successorum nostrorum, in exactionibus, precariis, seruiciis, vecturis vel in condicionibus quibuscunque predicta bona et homines infra subscriptos terminos aut limites commorantes nullatenus aggrauare attemptemus: A quadam querco stante in valle infra agrum et mericam in vtroque latere continente vnam crucem, directo tramite procedendo ad pontem dictum vulbrucke, ab illo ponte descendendo flumen Tzyresen vsque ad flumen ylanke. Istarum distinctionum iam dictarum fuerunt et sunt equitatores scilicet Nicolaus de Schowen, Rodolfus de Reueninghe, Nicolaus de Bornym et Zabellus de Badelo, milites, ac Wilhelmus de foro, ciuis in vrankenuorde, quos eciam vna cum Droysekone et flotekino pro huius facti Testimonio presentibus in hiis scriptis (sic!). In omnium premisorum euidentiam presens tradidimus scriptum nostri sigilli munimine firmiter commu-

nitum. Actum et datum in Tanghermundis, Anno domini Millesimo Trecentesimo vndecimo, In Craſtino Aſcenſionis Domini noſtri.

Nach dem Originale des Stadtarchives, Leipzig No. 1.

XII. Der Pfarrer Conrad zu Frankfurt bekundet die von Thomas Hofemann vorgenommene Stiftung von zwei Altären in der Pfarrkirche und im Siechenhauſe daſelbſt, unter Beſtätigung des Biſchofs Friedrich von Lebuſ, am 1. Mai 1312.

Conradus, plebanus in vrankenworde, omnibus Chriſti fidelibus preſentem paginam inſpecturis Salutem in perpetuum. Cum ex fragilitate condicionis humane hominum memoria ſit labilis, vita brevis, expedit ut rite acta litterarum ſerie et teſtimonio fidelium perhennentur. Hinc eſt quod notum eſſe volumus univerſis, Quod Thomas dictus hokeman, Civis in vrankenworde, de conſenſu et libera voluntate noſtra Ad laudem dei omnipotentis ejuſque matris marie virginis perpetue Ad ſalutem quoque anime ſue et progenitorum ſuorum omnium, Duo conſtruit altaria, unum in parrochiali Eccleſia in honore beati thome apoſtoli, Aliud extra civitatem in domo leproſorum in honore marie magdelene, de bonis a deo collatis ſibi in hunc modum inferius annotatum, altari in Eccleſia parrochiali conſtructo Septem Assignavit talenta, Altari vero Quod conſtructum eſt apud infirmos Sex assignavit Talenta, Liberaliter et perpetuo poſſidenda. Si vero ex ſuis amicis aliquis vel alter quiſque fidelis voluerit redditus predictorum altarium proceſſu temporis augmentare, hoc de noſtra erit et eſſe debet bona ac libera voluntate. Preterea idem Thomas Temporibus vite ſue hiisdem altaribus providebit in perſonis ydoneis et honeſtis in ſacerdocio conſtitutis. Poſt mortem vero ipſius Thome Omnes ſui heredes, qui pro tempore fuerint, conferent eadem altaria, Cum vacare contigerit, perſonis ydoneis et decenter ſecundum honeſtatem Clericorum ſe habentibus ac etiam in ſacerdocio conſtitutis; Qui miſſas in dictis altaribus celebrare teneantur, ſine omni prejudicio parrochialis Eccleſie, Et eo tempore quando minus plebano fuerit contrarium vel nocivum. Omnes etiam oblationes de dictis altaribus provenientes ſeu de miſſis votivis Teneantur plebano integraliter preſentare. Et ſi quod abſit aliquis ex predictis ſacerdotibus indecenter ſe haberet, Ipſe Thomas vel ſui heredes poſt trinam monicionem teneantur hoc denunciare venerabili patri ac domino Epifcopo Lubuenciſis Eccleſie, ut eo ſecundum formam juris ammoto, Aliam poſſint perſonam loco ipſius ydoneam preſentare. In teſtamentis plebano vel ſuis vicariis assignatis nichil predicti ſacerdotes habeant porcionis, niſi eis aliquid fuerit intuitu perſonarum ſuarum ſpecialiter assignatum. Et ſi ex ſtructura predictorum altarium plebanus aliquod reciperet dampnum, dictus Thomas in recompencacionem dicti dampni et ſui heredes unam marcã argenti plebano, Qui pro tempore fuerit, assignaverunt ac dederunt de ſua bona voluntate pure propter deum, In feſto beati Martini vel in feſto ſancti Michaelis viginti quatuor ſolidos denariorum brandenborgeniſum de vineis domini plebani vrankenworde Annis ſingulis percipiendos, Et perpetuis temporibus poſſidendos. Teſtes hujus ſunt Pezekinus de loſſow, Henricus de werben, Milites, Johannes prefectus, Johannes de landesberch, Petrus et Albertus de luten,